

IFA USUN OM KOPWE MONNETA REN AN SOUKAPUNG SENI IMIKREISON EPWE CHURUK

EKIEK AKOM || Ekieki met ke mochen Imikreison epwe sinei ren om nonom me mochen. Ika mi wor om kapas eis ren chon Imikreison, mi murinno kopwe maketi akom mwen repwe churuk. Soukapungun Imikreison ra tongeni anisuk om kopwe weweiti met mwokutukut epwe kawor ngonuk, nge re mochen sinei akom met om amonata ren nonomum.

NUKEATO EMON CHON CHIAKU IKA AFFOU OM POROUS || Ika ke nuku pwe en me ewe Soukapungun Imikreison mi wewe fengen ami kapas, iwe ese wor namoten emon epwe chiaku ngonuk non foufoun aramas ika won tengwa. Kopwe fakkun nuku pwe en me ewe soukapung oupwe tongeni porous fengen me kopwe weweiti an porous.

KAPAS WENECHAR || Kopwe wenechar me pwarata mi ennet fansoun ewe chufengen. Ika pwe ka awora porous mi mwan ika aopa ennetin porous, ewe soukapung esapw tongeni epwe anisieochuk me ngonuk pungun aninis. Om churi ewe soukapungun imikreison mi fakkun monomon ese wor epwe sinei. Nge ika ka ngeni ewe soukapung porous mi mwaken ika ese unus, iwe fansoun an angang won om we keis, a wanong taropwe ngeni kofemen ese pung me ese unus, iwe mi tongeni wor feiengaw epwe toruk.

NUKEATO NOUMW TAROPWEN PWARATA PWE EN EWE ME TAROPWEN IMIKREISON || Nukeato meinisin noumw taropwe mi pwarata pwe en ewe fansoun om churi ewe soukapung. Sasingin taropwe me sasingum epwe nimenimech me ffat om kopwe atourato. Ika ke nuku pwe mi auchea echo taropwe, fichi sasingin ka uwei pwe ika soukapung e mochen katon. Ereni aramasom repwe fichieochu sasingin noumw taropwe mi auchea ese nom reom ikei non Merika. Isoni taropwe meinisin ke angei seni Imikreison ika imikreison e ngonuk. A fakkun murinno meinisin taropwe repwe nom chok non ew neeni.

Awora echo taropwe epwe pwarata ian na ke nom ie ika mi wor kapin reom. Kopwe fakkun sineochu ranin uputiwen me porausen imikreison ren emon me emon chochon om famini ika aramasom mi nonom non Merika.

Ika pwe en mi pin ares ren ponis non Merika ika pwan ekkoch neeni, ika en mi tori nenien kapung non Merika, iwe kopwe awora taropwe meinisin mi wor reom fan iten ekkei sia kapas usun pwe ewe soukapung epwe pwan nenengeni.

KESAPW WITI TORI AN A SER NUPWAN || Esinesin ngeni ewe soukapung me awora fansoun churi ewe soukapung mwitir kesapw witiwit. Mei wor fansoun ekkoch taropwen aninis seni imikreison epwe kesip, iwe soukapung ese tongeni anisuk ika pwe ka witi, witi tori ewe fansoun kesipino iwe ewe soukapung ese tongeni chiwen anisuk. Chechemeni pwe soukapungun imikreison mi chommong io repwe anisi, iwe en mi tongeni churi fitemen soukapung me mwen an emon epwene wisen kefinita pwe noum.

Esi taropwe esapw pekin aninisin kapung. Om isoni ei taropwe esapw ngonuk tufichin kopwe nounou soukapung seni SOAR Immigration Legan Services ika soukapung seni ekkewe neenien soukapung mi founo iwe esapw pwan wewen nge a wor neniom ren emon soukapungun SOAR Immigration Legal Services ika ekkewe nenien soukapung mei itefouno.